


# ANG SIMPLE NGA PLANO SANG DIOS SA KALUWASAN SONO KAY JUAN



## 1. Sa kinaugali, ang tawo malaut (di-matarong) .

Indi sang mabudlay batunon nga kita tanan nakahimo sang mga butang nga indi sang maayo, apang ginahimo naton ini sila. Ini ginatawag nga sala! Nakasala kita sa sini kag ginahimo ta ini gikan sang gintawo kita.

JUAN 3:19 Kag amo ini ang paghukom, nga ang kapawa nagkari sa kalibutan, ka gang mga tawo naghigugma sang kadudulman labi sa kapawa, kay ang ila mga buhat malaut.



**Kay tanan kita makasasala!**

## 2. Sa sinang kinaugali, kita gintagudili.

JUAN 6:40 Kay ini amo ang kabubut-un sang akon Amay, nga ang tagsa-tagsa nga nakakita sa Anak kag nagatoo sa iya may kabuhi nga walay katapusan; kag banhawon ko sia sa katapusan nga adlaw.”

JUAN 3:18 kay may lima ka na ka bana; ini nasiling mo sing matuud.”

JUAN 3:36 Sia nga nagatoo sa Anak may kabuhi nga walay katapusan: kag sia nga wala nagatoo sa Anak indi makakita sang kabuhi; apang ang kasingkal sang Dios nagapabilin sa iya.

Bugna 20:12-15

12 Kag nakita ko ang mga patay, magamay kag dalagku, nga nagatindug sa atubangan sang Dios; kag ang mga libro ginbuksan: kag ang isa na man ka libro ginbuksan, nga amo ang libro sang kabuhi: kag ang mga patay ginhukman gikan sinang mga butang nga nasulat sa mga libro, sono sa ila mga binuhatan.

13 Kag ginhatag sang dagat ang mga patay nga yara sa sini; kag ginhatag sang kamatayon kag impierno ang mga patay nga yara sa ila: kag sila ginhukman ang tagsa ka tawo sono sa ila mga binuhatan.

14 Kag ang kamatayon kag ang impierno gintagbung sa linaw nga kalayo. Ini amo ang ikaduhang kamatayon.

15 Kag ang bisan sin-o nga wala makit-an nga nasulat sa libro sang kabuhi gintagbung sa linaw nga kalayo.



**May bayad ang sala!**

### **3. Si Jesus nagkari sa kalibutan kag napatay para sa aton.**

JUAN 14:6 Si Jesus nagsiling sa iya, “Ako amo ang dalan, kag ang kamatooran kag ang kabuhi; walay nagaabut sa Amay kondi paagi sa akon.

JUAN 3:17 Kay ang Dios wala magpadala sang Anak sa kalibutan sa pagtagudili sang kalibutan, kondi nga ang kalibutan maluwas paagi sa iya.

JUAN 1:10,12 Sa kalibutan sia, ka gang kalibutan ginhimu niya, apang ang kalibutan wala makakilala sa iya... Apang sa tanan nga nagbatun sa iya, nga nagtoo sa iya ngalan, ginhatagan sila niya sing gahum sa pagkamangin-anak sang Dios;

### **4. Ang kaluwasan libre nga dolot, indi bangud sang maayong buhat. Batonon mo ang pulong sang Dios, kag magtoo kay Jesus lamang!**

Ang kaluwasan amo ang pagsalig kag pagbaton kay Jesu Cristo bilang imo nga manluluwas. Pagsalig ini sa kamatuuran nga si Jesu Cristo napatay sa crus sang Calvario para sa pag bayad sang imo mga sala! Ini paghangup nga wala ka sing may mahimo para maluwas ang imo kaugalingon kag kumpleto nga pagsalig kay

Jesu Cristo para sa pagluwas sa imo. Indi ang elesia ang makaluwas sa imo. Indi ang bautiso, indi ang mga maayong binuhatan, indi ang mga sacramento, indi ang paghinulsol, indi ang pagpangamuyo, indi ang maayo nga kabuhi- **INDI ANG MASKIN ANO NGA BAGAY NGA SARANG MO NGA MAHIMO!**

**MGA TAGA–EFESO 2:8-9** Kay bangud sa bugay naluwas kamo paagi sa pagtoo; kag ini indi inyo kaugalingon nga buhat, ini amo ang dolot sang Dios – indi bangud sa mga buhat, basi ang bisan sin-ong tawo magpabugal.

**TITO 3:5** ginluwas niya kita indi bangud sa mga buhat nga aton nahimo sa pagkamatarung, kondi sa gahum sang iya kalooy, paagi sa paghugas sang bag-ong pagkatawo kag pagbag-o sa Espiritu Santo,

**MGA BINUHATAN 4:12** Kag walay kaluwasan sa bisan kay sin-o nga iban, kay walay iban nga ngalan sa idalum sang langit nga ginhatag sa mga tawo nga paagi sa iya kinahanglan kita maluwas.”

## **5. Magtoo ka kay Ginoong Jesus kag makaangkon ka sang kabuhi nga walay katapusan!**

**JUAN 5:24** Sa pagkamatuud, sa pagkamatuud, nagsiling ako sa inyo, ang nagapamati sang akon pulong kag nagtoo sa nagpadala sa akon, may kabuhi nga walay katapusan; indi sia paghukman, kondi naglaton gikan sa kamatayon pa kabuhi.

**JUAN 6:47** Sa pagkamatuud, sa pagkamatuud, nagsiling ako sa inyo, ang nagatoo may kabuhi nga walay katapusan.

**JUAN10:28** kag naghatag ako sa ila sing kabuhi nga walay katapusan, kag indi nagid sila mawala, kag walay isa nga makaagaw sa ila sa akon kamut.



**Ibutang naton ang pagtoo kay Cristo lamang!**

*Kung gusto mo gid mahibal-an sang sigurado subong dayon nga ikaw makakadto sa langit, pangamuyoa ining pangamuyo nga hugot sa imo tagipsoon.*

*Ginoong Jesus,*

*Ginaako ko nga ako makasasala kag dapat ako ihaboy sa impierno, pero Ikaw napatay sa cruz, ginlubong kag nabanhaw sa ikatlo nga adlaw. Nagapangayo ako sang patawad sang akon mga sala. Ginabaton ko Ikaw bilang akon Dios kag personal nga Manluluwas. Nagatoo ako nga luwason Mo ako kag paga dal-on Mo ako sa langit kung ako mapatay. Amo ini ang akon pangamuyo sa Ngalan ni Cristo Jesus. Amen.*

**Kun gin pangamuyo mo ina nga pangamuyo- suno sa Polong sang Dios- IKAW LUWAS!  
HALLELUJAH!**

Magsiling ka, wala ako sing may nabatyagan nga lain. Ang imo kaluwasan wala naga depende sa imo balatyagon. **INI TANAN NAKADEPENDE SA DIOS!**

Ang Dios nagsiling nga ikaw luwas kun nagbaton ka kag nagsalig kay Jesu Cristo. Lantawa, wala ini nagsiling nga “basi” maluwas- apang “MALUWAS.” **IKAW LUWAS!**

Kay nagsiling ang Kasulatan, "Ang bisan sin-o nga magdangop sa Ginoo maluwas." MGA TAGA-ROMA 10:13

Lantawa ang ginasingling sang Juan 3:36! Ini nagsiling nga “MAY KABUHI NGA WALA SING KATAPUSAN! Indi sang “basi” ukon “tani”- APANG MAY- IKAW LUWAS!

Sia nga nagatoo sa Anak may kabuhi nga walay katapusan: kag sia nga wala nagatoo sa Anak indi makakita sang kabuhi; apang ang kasingkal sang Dios nagapabilin sa iya. John 3:36  
Abyan, kung ikaw nagpangamuyo sang pangamuyo kag nagbaton kay Jesu Cristo- IKAW LUWAS! Ginhimo mo ang siling sang Dios- **KAG ANG DIOS WALA NAGABUTIG!**

Kag amo ini ang nagahatag sa aton sing paglaom nga kita may kabuhi nga wala sing katapusan. Sa wala pa ang kalibutan, nagpromisa na ang Dios nga hatagan niya kita sang kabuhi nga wala sing katapusan, **KAG ANG DIOS WALA NAGABUTIG** ; Titus 1:2